



<https://www.fsnhope.org/>

Cov Npe thiab Kev Pabcuam Nyob Hauv Lub Nroog Burke

Cov koomhaum chaw pabcuam nyob rau hauv phauntawv no yog kho los ntawd FSN/Hope cov neeg ua haujlwm pab kho thiab txhais los pab rau koj kom paub txog lawv cov kev pabcuam nyob hauv koj lub nroog kom pab tau koj thiab koj tus menyuam txojkev xav tau. Family Support Network/HOPE tsis yog qhov chaw uas xa koj mus (referrals) thiab peb tsis koomtes nrog lawv. Yog koj ho txiavtxim siab siv lawv thiab vam khom txog lawv txojkev pabcuam, ntawd yog nyob ntawm koj. Muaj qee yam nyob rau hauv cov koomhaum no yuav muaj kev pab tsis tag nyob rau hauv lub nroog uas koj nyob. Yog li ntawd, peb yuav pab kho kom raw li qhov peb paub (up to date). Yog koj muaj lus nug los yog xav paub ntxiv hu xovtooj tau rau peb (828) 256-5202 los yog email vickiedieter@fnhope.org Ua tsaug



These materials were developed under a grant from the US Department of Education. However, the materials do not necessarily represent the policy of the US Department of Education, and you should not assume endorsement by the Federal Government.

A Caring Alternative

301 East Meeting Street

Morganton, NC 28655

Xovtooj (828) 437-3000

Website: <https://www.caringalternative.com/>

A Caring Alternative, LLC (ACA) yog ib lub chaw pab thiab saib xyuas txog cov neeg uas muaj teebmeem hais txog txojkev haus yeeb, thiab siv tshuaj rau cov laus thiab menyuum hluas nyob rau hauv Western North Carolina. Qhov kev pabcuam no yog rau cov tsevneeg uas nyob rau cov nroog xws li (Buncombe, Burke, Caldwell counties). Qhov kev pab no yog qhia nyob rau hauv tsev kawmntawv thiab tsevneeg kom paub sib koomtes, thiab mus koom nrog lwm tus (Integrated Care, Group therapy) uas muaj teebmeem ib yam li yus. Lawv yuav pab tsoomkwm thiab siab xyuas (focused) nrog tus neeg uas muaj teebmeem txog haus yeeb thiab siv tshuaj tham lossis qhia txog nws tus chwjpwm rau nws tus txiv, los yog tus pojniam thiab leej Txiv, leej Niam hais tias lub sijhawm nws siv tej tsuaj ntawd nws tus chwjpwm zoo licas. Lawv yuav muaj kev pab kom tus neeg muaj teebmeem no yoo tau, muaj kws khomob thiab muaj tshuaj pab rau nws. Txojkev pab no yog nyob rau hauv cov nroog (Buncombe and McDowell Counties) tabsis cov tsev khomob uas yuav pab no tsuas muaj nyob rau hauv ob lub nroog xwb, xws li Burke thiab Catawba xwb. Lawv yuav npaj kho thiab koomtes nrog koj tsevneeg.

Abernethy Memorial UMC – Wright’s Food Pantry

960 Malcolm Blvd

Connelly Springs, NC 28612

(828) 879-8894

Website: <http://www.abernethymemorialumc.org/page36.php>

Lub koomhaum no yog pub khoom noj rau tej yimneeg uas xav tau kev pab. Nyob rau hauv lub nroog Burke County. Qhov kev pab no lawv muaj nyob rau hauv ib lub church txhua lub hli hnuv Saturday, thiab raws li qhov lawv muaj. Lawv twb tau pab li 300 tsevneeg ib yig ib thawv zaub mov txhua lub hli lawm.

Big Brothers Big Sisters of Burke County

(Part of Big Brothers Big Sisters of Western North Carolina)

200 N King St. (3rd Floor)

Morganton, NC 28655

Phone: (828) 253-1470

Website: <http://www.bbbswnc.org/tag/burke-county/>

Lub koomhaum no muaj cov tijlaug thiab vivncaus hlob ua niamqhuav thiab txivqhuav uas pab thiab nrhiav kev sib raugzoo, Lawv cob qhia cov menyuum thiab tsevneeg uas muaj thiab ntsib kev nyuajsiab, lawv yuav pab tsis tu-nhua, yuav muaj kev uasi thiab sib tham, sib txhxawb rau tsevneeg kom tsevneeg muaj txoj kev sib raugzoo thiaj yuav txhawb tau peb cov menyuum kev kawm thiab txawj paub ruajsiab rau lawv tus kheej.

Blue Ridge Community Action

800 N Green St

Morganton, NC 28655

Blue Ridge Community Action, Inc. (BRCA) Lub koomhaum no yog los pab neeg dawb xwb. Lawv twb muaj thiab tswmsim los thawm 1965, lub koomhaum no yog los pab rau cov neeg txomnyem nyob rau cov nroog xws li Alexander, Burke, Caldwell, Catawba, Gaston, Mecklenburg, Rutherford, Stanly and Union Counties. Lawv muaj kev pab zov rau cov neeg laus thiab cov menyuum yaus. Ntxiv mus lub chaw Weatherization Assistance Program no yog lub xa zaub mov uas ua siav lawm rau cov neeg raws li hais saum no tau noj. Lub Head Start, HARRP no kuj pab them nqi hluavtaws xob (heating/air conditioning)

rau tej yim neeg uas muaj nyiaj tsis txaus them lawv cov nqi. Lub Early Head Start no kuj koomtes nrog rau lub tuamtxhab Duke Energy pab them nqi tsev rau cov uas ua Yawg, Pog thiab niamtais, yawmtxiv uas zov lawv cov menyuum ntsuag xeebtxwv. Pab cob thiab nrhia haujlwm rau lawv ua.

Burke County Children’s Advocacy Center – Gingerbread House

408 South Green Street

Morganton, NC 28655

Phone: (828) 430-9949

Website: <https://www.southmountain.org/childrens-advocacy-centers/>

Burke County Children’s Advocacy Center no lub homphiaj yog los tivthaiv pab rau cov menyuam uas raug ntaus thiab quabyuam. Yuav muaj cov tub Ceevxwm thiab cov saib kev ruajntseg tshuaj xyuas kom lawv tau txais txojkev pab no. Lawv kuj muaj cov sojntxuam xyuas thiab nrog lawv tham hais txog txojkev ntshai uas raug lwm tus ua phem lossis raug quab yuam no, ntxiv mus kuj muaj cov kws Kho-mob (Nurse) ua txawj tshuajxyuas pab cov neeg uas raug quab yuam no nyob rau tom tsev khomob.

Burke County Department of Social Services

200 Avery Avenue

Morganton, NC 28655

(828) 764-9000

Website: <http://www.burkenc.org/departments/social-services>

Burke County DSS no muaj ntau yam kev pab rau cov pejxeem xwsi hauv lub nroog uas koj nyob. Txojkev pab no yog pub Medicaid, nyiaj muas noj thiab kev tivthaiv rau cov neeg Laus, ntxiv mus lawv kuj muaj pab nrhiav kev zov menyuam (Child Day Care), Kev pab Tivthaiv menyuam thiab pab Medicaid, nyiaj muas noj rau tej yim neeg ua muaj menyuam lossis pab tu lawm tus cov menyuam (Foster Care) uas muaj nyiaj tsis txaus.

Burke County Exceptional Children Preschool Services

700 east Parker Road

Morganton, NC 28613

Phone: 828 (439-4312)

Website: <https://www.burke.k12.nc.us/departments/birth>

to 5 years old/b c e c preschool services

Lub nroog Burke Tsev Kawmntawv muaj kev pab rau cov menyuam uas muaj hnuv nyoog 3-5 xyoo. Cov Xibfwb uas qhia ntawv no pom tau hais tias ib qhov uas tseemceeb ntawm tsevneeg thiab lawv yog, kev koomtes thiab qhibsiab sib txuas-lus. Lawv muaj kev pab cuam dawb rau cov menyuam uas hnuv nyoog tseem yau xws li 3-5 xyoos, thiab rau cov menyuam uas nws tsis tshua qoos pestsawg (disabilities). Nyob rau hauv tsev kawmntawv no ib qho yog nrhiav kev pab qhia kom cov menyuam no kev kawm txawj loj hlob zoo, yog koomtes los ntawd cov tsevneeg, tsev kawm ntawv thiab lub zejzog.

Burke County Health Department

700 East Parker Road

Morganton, NC 28655

Phone: (828) 764-9150

Website: <http://www.burkenc.org/departments/health-department>

Burke County Health Department muaj ntau yam kev pabcuam rau cov pejxeem nyob hauv lub nroog Burke. Ib txhia kev pabcuam no yog; Burke kev noj qab nyobzoo, hauv zejzog, Kev ntsuam xyuas thiab kev haus-huv rau cov Neeg Laus, thiab pab rau cov uas paub tshuajxyuas cov menyuam yau.

Menyuam kev Noj qab Haushuv, Kev npaj rau Tsevneeg uas xav tau kev tivthaiv rau ib txhia pojniam uas tsis xav muaj menyuam, Kev qhia kom tsevneeg paub txog kev noj qab haushuv, Muaj kev Txhajtsuaj tivthaiv kabmob, Muaj chaw ntxuamyxuum thiab pab rau cov pojniam cev tsis tabseeb kom lawv paub npaj rau lawv tus kheej, Lawv muaj Chaw chaw thiab pab txhajtsuaj rau tej tus neeg uas mus kis tau kabmob phem xws li (STD) thiab nrhiav kev pab rau lawv xws li Kwsthsuaj. Lub chaw no kuj muaj kev pab khoom noj haus (WIC) rau cov pojniam cev tsis tabseeb, menyuam mos. Thiab menyuam yaus hnuv nyoog 1 mus txog 5 xyoo .

Catawba Valley Healthy Families

203 Avery Avenue

Morganton, NC 28655

Phone: (828) 433-7176

Website: <https://www.childrenshopealliance.org/families-support/>

Catawba Valley Healthy Families yog lub koomhaum muaj kev pab rau cov menyuam kom lawv muaj kev kawm thiab kev ciasiab. Lub koomhaum no yog tsis tsa los cob qhia thiab txhawb rau cov tsevneeg nyob hauv lub nroog Burke County kom lawv paub pab thiab qhia lawv cov menyuam txog kev noj qab haushuv rau yav pemsuab, qhov kev pab no yog pib thaum tus menyuam nyuam qhuav xeeb rau leej niam plab xwb, tomqab yug tus menyuam lawm los lawv yeej tseem yuav nrhiav kev pab thiab saib xyuas cobqhia leejniam thiab txiv kom nkawv muaj kev sib raug zoo nrog rau tus menyuam. Lawv kuj muaj lwm yam kev pab rau koj nrog lwm lub koomhaum nyob ib cheebtsam hauv lub nroog Morganton.

Child Care Connections of Burke County

304 West Union Street

Morganton, NC 28655

Phone: (828) 439-2328

Website: <https://childcareconnectionsburke.weebly.com/>

Child Care Connections nyob hauv lub nroog Burke no yog lub koomhaum pab tibneeg dawb xwb thiab yog chaw pab qhia txog lwm lub koomhaum rau cov niam txiv, lawv pab nrhiav chaw zov menyuam rau cov tuam txhab xws li company thiab zejzog. Lub koomhaum Child Care Connection no twb pab lub nroog Burke no thaum xyoo 1994 los lawm. Lub koomhaum no yeej sibzog pab tsim kho thiab ua haujlwm tswj thiab nrog saib xyuas txog kev zov menyuam. Cov kev pabcuam txog kev zov menyuam yaus thiab txhawb pejxeem paub txog qhov tseemceeb ntawm kev zov menyuam yaus. Lub koomhaum no kuj muaj ntaub ntawv rau cov niamtxiv kom lawv paub txog txojcai uas zov menyuam, los yog nrhiav kev pab them mentsi nqi zov menyuam.

Com Serv, Inc. Corporate Office

101 Scorggs Court

Morganton, NC 28655

Phone: (828) 438-6026

Website: <https://www.comserv.org/>

ComServ, Inc yog ib lub koomhaum pab rau tus tibneeg thiab nws tsevneeg kom muaj kev nkagsiab txog txojkev ntawm disabilities kom sawvdaws paub sib pab sib txhawb rau tus neeg uas muaj disabilitie, thiab txhawb nws kom paub txiav txim rau nws tus nkeej mus koom nrog lwmlleeg leejtus uas muaj disabilities nyob rau ib cheevtsam hauv zejzog. Comserv, Inc. muaj kev pabcuam nyob rau cov nroog no Alexander, Burke, Caldwell, Catawba, Cleveland, Gaston, Lincoln, thiab McDowell county. Lawv txogkev pab no yog kom muaj ib tug neeg (Assistance) uas paub txog thiab txawj pab tus neeg uas muaj disabilities kom paub tu nws tus nkeej txhuas hnuv, kev noj qav haushuv, lawv yuav pab rau nws kom txog thaum nws 21 xyoos, lub lav uas koj nyob mam li them nyiaj rau tus neeg no. Ib qho kev pab ntxiv yog los ntawm Medicaid yog qualify, thiab yog tias tus neeg no tsis muaj disabilities thaum hluas, es nws ho muaj rau yam laus, muaj qee lub tuamtxhab uas nws hawjlwm nrog mamli pab them ib nrab. Chaw pab muaj ntxiv yog (CAPTG) Delvelopmental Day Care Center nyob rau hauv lub nroog Lincolnton, NC. Lub chaw no pab saib xyuas thiab zov menyuum uas muaj hnuv nyoog 1 mus txog rau 5 xyoos, thiab lawv muaj Summer program rau cov menyuum hluas uas muaj 18 xyoo rov los. Lub koomhaum no pab nrhia chaw rau cov menyuum yaus (pres-school) lawv qhia thiab cob cov menyuum kom paub txog txojcai thiab kev kawmntawm, Lub Comserv no yuav nrhiav thiab pub pejxeem xaiv txojkev pab rau lawv tus menyuum ua muaj disabilities kom haum rau lawv tus menyuum. Muaj dua ib lub chaw rau nej xaiv yog ICF/IDD lawv yuav pab saib xyuas cov menyuum no tau 24 sijhawm thiab muaj neeg ua haujlwm hauv no yuav teb tau koj tej lus nug txhua lub sijhawm.

Drexel First Baptist Church-BREAD Food Distribution Ministry

200 South Main Street

Drexel, NC 28619

Phone: (828) 437-3351

Website: <http://www.drexelfirstbaptist.org/>

Lub chaw pub zaubmov dawb no muaj qhib txhua lub Sunday thib ob(the second Sunday) ntawd txhua lub hli thaum 7 teev tsaus ntuj (yog lub caij ntuj no lawm no ces lawv muab hloov rau thawm 6 teev tsaus ntuj lawm) thiab lawv twb pub zaubmov rau li 100 mus 200 yim neeg txhua lub hli. Nyob rau txhua lub caij, nyob rau lub sijhawm Thanksgiving lub church no pub thiab pab rau tej yimneeg uas muaj tsis txaus noj, thiab lawv kuj pab tej khoom Christmas gift los ntawm lub koomhaum "Operation Christmas Child" mus rau tej yimneeg uas pab tus cov menyuum ntsuag

Early Head Start – (The Enola Group)

506 East Union

Morganton, NC 28655

Phone: (828) 604-4906

Website: <http://enolagroup.org/>

Lub koomhaum Early Head Start yog tsev qhia ntawv, pab rau lub zos thiab muaj ntaubntawv qhia rau cov tsevneeg uas muaj menyuum thaum yug mus txog 3 xyoo thiab cov pojniam uas tseem xeebtub rau hauv plab. Lub homphiaj ntawm cov haujlwm no yog los txhawb rau cov pojniam ua ntej lawv yug menyuum, pab txhim kho kev lojhlob ntawm cov menyuum yaus kom muaj dagzog rau kev noj qab haushuv nrog rau lawv tsevneeg. Txojkev pab no yog los ntawm tsoomfwv, uas tsis tau them nqi yog tsevneeg twg tau txais kev pab lawm. Lub Koomhaum Enola Group Early Head Start no muaj licensed thiab pab qhia ntawv rau cov menyuum thawm lawv tseem yau kom lawv thiaj paub npaj lawv tus kheej ua ntej lawv yuav nkag mus rau cov tsev qhia ntawv ib kaujruam thiaj li yoojyim thiab pab tau lawv tsevneeg. Txojkev pab cuam no muaj nyob rau hauv cov nroog no Alexander, Burke, thiab Caldwell. Lub chaw no kuj muaj kev txhawb thiab pab kev noj qab haushuv rau cov menyuum yaus thiab cov laus, thiab muaj kev pab tsevneeg nrhiav tsev khomob thiab chaw kho hniav rau kom lawv muaj txojkev tau zoonyob.

East Burke Christian Ministries

103 3rd Avenue SE

Hildebran, NC 28637

Phone: (828) 397-7074

Website: <http://ebcmnc.com/>

Lub koomhaum East Burke Christian Ministries no 8ogi b lub koomhaum me..me nyob rau hauv lub zos East Burke County. Lawv lub homphiaj yog pab zaub mov rau tej yim neeg lawv muaj tsis txaus yuav noj, thiab lawv kuj muaj kev pab cuam rau cov uas lawv them tsis tau lawv tej nuj nqi xwslu nqi hluavtaws xob, nqi tsev, nqi tshuaj, thiab nqi roj (kerosene).

**Family, Infant and Preschool Program (FIPP)
Center for the Advanced Study of Excellence (CASE)**

300 Enola Road

Morganton, NC 28655

Phone: (828) 433-2661

Website: <https://fipp.org/>

Lub koomhaum no yog ib lub uas pab rau cov menyuam mos thiab cov menyuam uas hnuv yug tseem yau (Preschool) muaj kev cob qhia thiab nrhiav kev kawm ntawd lub koomhaum no kom ntxov rau cov menyuam muaj hnuv nyoog thawm nyuam qhuav yug mus txog rau 5 xyoo, cov tsevneeg thiab cov pojniam uas cev tsis tabseeb. Txojkev cobqhia no 9ogi b qho kev pab los ntawd J. Iversion Riddle Developmental Center (JIRDC) nyob rau hauv lub nroog Morganton, NC. FIPP muaj kev pab cuam thiab txhawb rau cov menyuam yau thiab lawv tsevneeg nyob rau cov nroog no, Alexander, Burke, Caldwell, Catawba, thiab McDowell. Lub homphiaj rau cov tsevneeg no yog rau lawv cov menyuam mos thiab cov uas hnuvnyoog tseem yau kom muav kev kawm thiab pab txhawb lawv kom muaj kev loj hlob thiab muajzoo zoo nrog rau lawv tsevneeg kom lawv muaj kev sib hlub sib raug zoo nrog cov pejxeem huabhw m thiab lub nroog uas lawv nyob. Lawv kuj pab txhawb thiab qhia cov niamtxiv, thiab txhawb rau cov pojniam uas cev tobtom tsis tabseeb nrog rau cov menyuam mos uas tsis tau puv caij yug.

Good Samaritan Clinic

305 West Union Street

Morganton, NC 28655

Phone: (828) 212-4185

Website: <https://burkegoodsamclinic.org/>

Good Samaritan Clinic yog lub chaw interdenominational lawv lub haumphiaj thiab txojkev ntseeg yog los pab kom muaj kev kho mob, kho hniav, nrog tus neeg muaj kev nyuajsiab tham kom lawv kajsia b, pab rau cov neeg ua liaj ua ua teb, pab ntxuam xyuas cov muaj kab mob HIV thiab pab tawm tswvyim tivthaiv rau tus ua muaj hom kabmob HIV no. Lawv muaj pab pub tshuaj rau pejxeem neeg nyob hauv lub nroog Burke uas lawv tsis muaj kev pab xws li Medical los ntawm tsoovfwm, thiab private insurance, los yog tsis tau txais kev pab los ntawm leeg twg li. Lub Good Samaritan Clinic txojkev ntseeg yog los pab rau tagnrog ib tsoom neeg.

Governor Morehead Preschool

(Early Learning Sensory Support Program for Children with Hearing and Visual Impairments)

517 W Fleming Dr

Morganton, NC 28655

Phone: (828) 433-2980

Website: <https://www.ncdhhs.gov/assistance/vision-loss/governor-morehead-preschool>

Cov Tswvxeev Morehead chaw qhia ntawv rau menyuam yau thiab rau zejzog thawm lub sijhawm uas lawv tseem yau, thiab pab tivthaiv thiab ntsuam xyuas txog lawv lub qhov muag seb puas pomkev zoo. Yog tias koj xav tau txais txojkev pab no, yog koj tus menyuam lub qhovmuag pomkev txog li 20/70 los yog tsawg dua nov tus kws kho qhovmuag yuav pab txuam xyuas seb koj tus menyuam paus tsimnyog txais tau qhovkev pab no.

J. Iverson Riddle Development Center

300 Enola Rd

Morganton, NC 28655

Phone: (828) 433-2731

Website: <https://www.ncdhhs.gov/divisions/dsohf/j-iverson-riddle-development-center>

J. Iverson Riddle Development Center (JIRDC) nyob hauv Morganton, NC yog lub lav North Carolina tsimtsa los pab rau cheebstam Western region. Lub koomhuam Riddle txojkev pabcuam yog txawb rau ib leeg ib tug uas muaj disabilities los yog yug los tsis tshua qoos petsaug. Lub sijhawm uas nws tswj tsis tau, los yog pab tsis tau nws tus nkeej, lawv yuav pab ntsuam xyuas thiab pab nrhiav kev pab thiab saib seb hom tshuaj twg thiaj li haum rau nws. Tej yam kev pab uas lawv muaj yog nrhiav kws khomoob ua yuav pab rau nws thiab yuav txhawb rau nws txawj tswj nws tus nkeej, yog tejkev hais tas los no pab tsis tau nws, lawv kuj muaj tus neeg uas pab nyob rau tos vajtsev. Tabsis ua ntej yuav tau txais qhov kev pabcuam no yuav tsum tau ntaubntawv tsocai (requests for admission must be submitted) xa mus rau cov thawj tswj lub koomhuam ua ntej.

Just Girls Program

420 west Fleming Drive Suite C

Morganton, NC 28655

Phone: (828) 438-6218

Website: <http://repayinc.org/just-girls-program>

Lub koomhaum no tsimtsa los pab rau cov txhais hluas hnuv nyoog 11-17 xyoo nyob rau hauv lub nroog Burke uas yog muaj kev nyuajsiab thiab nrog lawv tham. Lub koomhaum no kev pabcuam yog tshwjxeeb rau cov ntxhais ua muaj teebmeem xav tau txais kev pab kom paub tswj nws tus kheej txog kev nyuajsiab, npautws sai, los yog raug lwmtus qhuab yuam thiab ntsuam xyuas nws tus cwjpwv kom zoo thiaj li tsis raug teebmeem nrog tej tsev hais plaub (court system). Qhov kev pab no yuav tsum yog raug xa lossis tsocai los ntawd tsev kawmntawv, tsev haisplaub, los yog kaws khomob rau cov neeg puas hlwb, churh, thiab nws tsev neeg. Lub koomhaum no muaj neeg pab nrog nws tham, pab nws kom nws muaj kev ruaj siab nrog nws tsevneeg thiab lub zejzog. Lub Just Girls koomhaum no muaj kev pabcuam them los ntawm qhov chaw hu uas Repay Inc yog tias nws los yog nws tsevneeg tsis muaj health insurance, lawv yog ib qho chaw non-profit criminal justice agency pib xyoo 1982 los.

Mobile Pre-k Bus

700 East Parker Road

Morganton, NC 28655

Phone: (828) 439-4312

Website: <http://burke.ss14.sharpschool.com/departments/birth> to 5 years old/mobile pre k

Lub chaw Mobile Pre-K bus qhiantawv no yog pab dawb xwb tsis them nyiaj, yog koj muaj menyuam hnuv nyoog 3 xyoo, tomqab ua ntaubntawv tag yog lawv muaj chaw seem, lawv yuav txais koj tus nyuam kawv ntawv uantej nws mus kindergarten, tabsis yog lawv tsis muaj chaw seem nws yuav tau tos. Lub tsheb qhia ntawv no yog ib lub Bus uas lawv muab kho ua tshiab kom zoo li ib chav tsev qhia ntawv, muaj roojtog, chav twmntawv thiab mloog kwvhuam, chav tsevdej (restroom) rau cov menyuam yau tau siv , Lawv cov Bus no nyob 6 thaj chaw, lawv siv sijhawm yog 1: 45 minutes qhia cov menyuam yaus no ntawv txhua lub limtiam, tagnrog yog muaj 18 thajchaw nyob rau lub nroog Burke, ib lub tsheb bus twg muaj li 14 tus menyuam uas lawv pab qhia ntawv rau thaj chaw ntawd, tag nrog cov menyuam lawv pab qhia ntawv rau muaj li 252 tug thiab nrog rau lawv tsevneeg. Tejyam uas lawv ua no yog pab dawb xwb, cov thawj xibfwb thiab cov pab puav leej yog kawm tawm los. Tejyam lawv tsis kho no yog los npaj pab rau cov menyuam ua muaj 3 xyoo no kom lawv paub npaj lawv tusnkeej lub sijhawm thaum lawv mus kawm kindergarten.

Morganton Housing Authority

644 1st Street

Morganton, NC 28655

Phone: (828) 437-9101

Website: <http://morgantonhousing.com/>

Yog pab vajtsev thiab chaw nyob rau tej yimneeg uas muaj nyiaj tsis txaus them lawv tej vajtsev nyob rau ib cheebtsam hauv lub nroog Morganton.

Olive Hill Community Economic Development Corporation, Inc.

200 C college St.

Morganton, NC 28655

Phone: (828) 475-4620

Website: <https://www.facebook.com/oliveHillCEDC>

Lub koomhaum(OHCEDC) no yog los tsimkho los pab zejzog thiab yog ib lub non-profit uas pib thawm 1998, lawv nrhiav kev pab rau cov neeg nyuajsiab los yog puashlwb rau cov pejxeem nyob rau cov nroog no Burke, Caldwell, Catawba, thiab McDowell. Lawv lub homphiaj yog los pab thiab cob qhia rau ib thxia yimneeg kom lawv paub tswj thiab ruajsiab rua lawv tus kheej, xws li, mus koom nrog lwmllej lwmtus tham (social). Pab kom lawv muaj kev mus kawm ntawv, pab nrhiav haujlwm rau lawv ua, pab teeb homphiaj rau lawv, kom lawv paub tseg nyiaj kom lawv thiaj mus yuav tau vajtsev rau lawv tsevneeg nyob.

Pregnancy Care Center of Burke County

302 S. Main Street

Drexel, NC 28619

Phone: (828) 437-4357

Website: <https://www.pccob.com/>

Lub Pregnancy Care Center nyob rau hauv lub nroog Burke no yog ib lub non-profit koomhaum pib thawm xyoo 1986. Lawv lub haumphiaj yog los pab thiab txhawb cov txivneej thiab pojniam tabtom sibsau ua neej tshiab thiab tabtom yuav muaj tubki uake. Lub koomhaum no muaj co kws tshajlij thiab cov ua haulwm pab dawb, lawv pab tawm tswvyim, qhia chaw pabcuam nyob ze lub zejzog. Tejyam ua lawv pab tau yog ultrasounds uas nyob rau ntawm lub chaw Pregnancy Care Center no yam tsis tau them qi. Los ntawm kev ciasiab lawv muaj kevkawm rau tej yimneej thiab muaj chaw sibtham thiab cobqhia rau lawv. "Hope Bucks" yog ib qhov kev pabcuam uas lawv muab (voucher) mus pab yuav xws diapers, kawbchaws, khoom uasis (toy) thiab tej yam khoom uas xav tau los pab rau cov menyuam uas txij 2 xyoo rov los.

Region 9 Child Care Resource and Referral (CCR&R)

734 Salisbury Rd.

Statesville, NC 28677

Phone: (704) 878-9980

Website: <http://region9ccrr.org/>

Lub NC Child Care Resource and Referral Council yogi b lub chaw pab nyiaj thiab pabcuam rau kaumplaub lub CCR&R cheebtsam nyob rau lub lav North Carolina. Cheemtsam 9 CCR&R teeb thiab tswj ntaubntawv zov menyuam rau cov qhia ntawv, kev tsim kho, tej kev txujci, kev tshawbfawb (data collections) thiab kev ceebtoom rau cov pejxeem uas nyob hauv cov nroog no, Alexander, Avery, Burke, Cladwell, Iredell, McDowell, Mitchell, Watauga, thiab Yancey. Cheebtsam 9 Resource and Referral no nyob rau hauv lub nroog Iredell ntaus phoojywg pab rau cov menyuam yau. Lub lav NC Resource and Referral Council lawv kuj pab tswj thiab tsimkho kev kawmntawv rau cov menyuan yaus kom zoo, lawv pib txhawb thiab qhia cov menyuam hnuv nyoog tseem yau no txog txojkev sib raugzoo, nojqab haushuv kom lawv muaj cwjpw zoo rau yam uas lawv loj hlob.

Salvation Army – Greater Hickory/High Country regional Coordinate

412A W Fleming Drive

Morganton, NC 28655

Phone: (828) 439-8080

Website: <https://www.salvationarmycarolinas.org/hickory/>

Lub Haumphiaj ntawm lub chaw Savation Army, yog pab thoob plaws lub ntiajteb no, Lawv xav tshaj txoj hmoozoo kom thoobplaws lub ntiajteb txog Vajtswv, yog ib txojlus samhwm nyog rau hauv Vajtswv phauntawv (Bible). Nws yog ib txojlus qhia txog Vajtswv txojkev hlub. Yog ib lub homphiaj tawm mus tshaj txog Tswv Yesus tau los hauv lub ntiajteb los yug ua neeg thiab tau los theej peb lub txim yam uas tsis xaiv leejtwg tsejmuag. Lub nroog Hickory muaj chaw uas lawv pub rau sawdaws tsis hais tus laus, tus hluas, tus hlob tus yauv tuaj nrog lawv pehawm tau. Lawv muaj kev kawm rau cov hluas, cov menyuam yaus, thiab zejzog. Lub chaw Crisis Help Center yog ib lub Emergency Assistant uas pab them nqi tsev, nqi hluav taw xob, thiab pab zaub mov, kaubchaws, thiab roojtog ua yog nyob rau hauv lawv cov office xws li Hickory, Morganton, Granite Falls, Taylorsville, Marion, Boone thiab West Jefferson, Lawv muaj chawpu rau tej tus neeg uas tsis muaj chaw nyob chawpu (homeless) tsis hais txivneej los yog pojniam uas muaj menyuam yau rau lawv nyob thiab pu, lawv muaj noj mov ib hnuv ob pluag, (noj tshais thiab noj hmo) thiab lawv muaj pab mentsis ristsho, thiab khoom sis xws li tshuaj txhuam hniav, tshuaj dadej, tshuaj zawv tobhaus. Lawv muaj pab nrhiav tsev rau cov neeg no kom muaj vajtsev nrog lwmtus nyob. Nyob rau lub sijhawm Christmas, lub chaw Salvation Army no siv ib lub laujkaub liab..liab nyob rau tom tej khw thov kwvtij zejzog pab nyiaj mus pab rau lawv lub koomhaum no kom muaj nyiaj tsis tseg pab rau sawvdaws, lawv muaj khoom uasis pub(gifts) rau menyuam yuas, thiab pab rau tej yimneeg uas muaj nyiaj tsis txaus siv rau lub sijhawm Chirstmas. Lub chaw Salvation Army no kuj pab saib xyuas cov menyuam yaus uas tsis muaj txaus noj, txau haus. Lub chaw Salvation Army no muaj qhib 9 lub khw (Family Stores) ib cheevtsam nyob rau hauv lub nroog Hickory. Txua lub Khw muaj pub tej qub kaubchaws rau cov tsevneeg thiab lwmyam uas tsevneeg xav tau. Cov nyiaj tau los pab lub khw (Family Stores) yog los pab rau tej yimneeg uas muaj nyiaj tsis txaus siv nyob rau hauv lub zejzog. Nyob rau hauv lub koomhaum Salvation Army uas hu ua Boys & Girls Club nyob rau hauv nroog Burke thiab Catawba, muaj kev cobqhia, kev kawm, kev ua sis kom lawv paub ceev lawv tus nkheej kom muaj kev nkagsiab txog ntawd kev ntaus phoojywg thiab mus koom nrog lwm cov menyuam uas muaj cwjpwms tsis zoo nyob hauv zejzog.

South Mountain Children and Family Services

110 West Union Street
Morganton, NC 28655
Phone: (828) 584-1105

Website: <https://www.southmain.org/>

Txij thaum 1903, lub chaw siab xyuas cov menyuam ntsuag rau hauv lub jzejzog, tswjxeeb yog nyob rau lub koomhaum hu ua Southmountain Children and Family twb muaj kev pabcuam rau cov Niamtxiv thiab tej yimneeg hauv lub lav North Carolina. Nyob rau lub nroog Morganton, NC, Lub koomhaum Southmountain Children thiab lawv covneeg pab ua haujlwm nrog thiab koomtes rau ib cheevtsam thiab nrog cov chaw pabcuam rau cov menyuam ntsaug xws li 5 children's advocacy centers thiab raws li tej pobthawj chaw Treatment Centers ua haujlwm rau cov nroog Avery, Burke, McDowell, Mitchell, Transylvania, Watauga thiab Yancey, Lawv lub homphiaj yog los pab rau cov menyuam thiab tsevneeg kom muaj kev cia siab rau yam pebsuab thiab paub muaj kev npausuav kom mus txog lub homphiaj raws li lawv txojkev npausuav.

St. Charles Borromeo Catholic Church – Food Pantry

728 West Union St
Morganton, NC 28655
Phone: (828) 437-3108

Website: <https://www.saintcharlesborromeo.org/?page id=184>

St. Charles yog ib lub chaw koomtes nrog Harvest Bank of Metrolina – SHFBM. Lub sijhawm no 99% nyob rau hauv cov khw yuav noj (grocery) lawv pab zaubmov rau ntawd lub SHFBM. Lub chaw St. Charles no pab pub zaubmov rau ib lub hlis twg yog 65 yimneeg txhua lub hli. Lawv qhov chaw no qhib sijhawm yog thawm 10 Am – 12 pm tavsu nyob rau txhua lub hli 1st thiab 3rd nyob rau hnuv Tuesday.

The Meeting Place Mission

200 North King Street
Morganton, NC 28680
Phone: (828) 432-5659

Website: <https://www.meetingplacemission.org/>

Lub chaw Meeting Place, lub haumphiaj yog los pab tsim khod rau cov neeg tsis muaj vajtsev nyob (homelessness) pub pab rau lub zejzog thiab nrhia tsev rau cov neeg no nyob, lub koomhaum yuav pab thaum pib mus txog thaum xaus nrog rau cov neeg tsis muaj vajtsev no, thiab lawv tsev neeg no kom muaj vajtsev nyob thiab qhov chaw hu ua lawv tug, lawv kuj muaj emergency shelter rau cov pojniam uas muaj menyuam yau nrog lawv. Lub chaw Meeting Place no muaj chaw rau cov neeg no tau pw thiab so yam hmontuj yog leejtwg xub los tus ntawd yuav xub tau txais lawv txojkev pab. Muaj 3 yam tseemceeb kev pab lawv muaj yog nrhiav kom tau ib qhov chaw tsis nyog rau lawv thiab lawv tsevneeg nyob, cobqhia kom lawv txawj xyuamxim thiab pab lawv tsevneeg, thiab kom muaj kev kawm rau cov txivneej, thiab pojniam nrog menyuam.

The Outreach Center

510 East Fleming Drive
Morganton, NC 28680
Phone: (828) 439-8300

Website: <https://www.theoutreachcenter.org/>

Lub koomhaum Outreach Center yog ib lub uas hu ua 501 lub koomhaum non-profit nyob rau hauv lub nroog Morganton, NC lawv muaj kev pabcuam 1,200 yim neeg uas muaj nyiaj tsis txaus yuav noj haus rau lawv tsevneeg txhua lub limtiam nyob rau ntawd lub koomhaum no. Lawv muaj cobqhia thiab pab nrhiav haujlwm txhawb rau tej yimneeg no kom muaj chaw cia siab. Lub koomhaum Outreach Center kuj pab pub zaubmov lwm lub koomhaum hu ua food bank ua tabtom nrhia kev pab rau tej yimneeg nyob rau hauv tej zejzog. Lawv lub khw Outreach twb pub ntau yam khoom rau ntau leej noj txhuad lub limtiam xw li zaubmov, diapers thiab lwm yam khoomsiv rau hauv vajtsev. Lawv kuj pab nyiaj rau qee yimneeg uas tau txais zaubmov ntawm lawv yog tais lawv tau nyiaj los tsis duav petsawg.vim lawv tsevneeg coob mentsis. Lawv kub pub diaper rau cov menyuam mos ab thiab tseem yau. Lawv pab nrhia kev kawm ntawd, cob qhia rau cov neeg muaj hnub nyoog xws li cov laus kom tiav High school thiab xeem tau mus colleg, lawv kuj muaj qhia siv computer kom paub nrhiav haujlwm thiab pab sau resume lub sijhawm mus kawm thiab nrhiav haujlwm. Lub chaw hu ua the Workforce Development no pab thiab cob qhia cov neeg tsis muaj haujlwm, lossis poob haujlwm kom lawv nrhia tau haujlwm ua. Lub Outreach Center Community koomhaum no kuj pab lub tsev homeless shelters thiab cov chaw ua pab rau cov tub ntxhais uas muaj teebmeem xws li kev nyuajsiab kom lawv paub rujsiab rau lub neej, thiab muaj cuabkav ciasiab rau lawv tus nkeej. Pab nrhiav kev lamhlwb uasi (activities) rau lawv.

Safe Kids Burke County

700 East Parker Road
Morganton, NC 28655
Phone: (828) 764-9150

Website: <http://www.burkenc.org/deparment/health-department/safe-burke-county>

Lub chaw Safe Kids nyob rau hauv lub nroog Burke pab koomtes saib xyuas txojkev nyabxeeb rau menyuum nyob rau lub lav North Carolina. Lub Safe Kids no pab tivthaiv cov menyuum uas raug quabyuum thiab raug tua, xwsli cov menyuum hluas hnub nyoog muaj 14 xyoo rov hauv, lub nroog Burke Health Department yog ib lub thawj koomhaum uas pab rau cov menyuum no. Kev koomtes thiab kev pabcuam yog los ntawm lub nroog, zejzog, thiab lub koomhaum no nrog rau cov niamtxiv thiab cov saibxyuas menyuum (caregiver) kom sawvdaws sib pab cobqhia cov menyuum no muaj chaw raujsiab thiab ib qhov chaw tivthaiv lub sijhawm lawv mus uasis (activities). Lawv muaj pab teevcaij ntsuam xyuas cov tsheb (inspections) txog (car seat checks) thiab qhia kom paub txog kev muab tshuaj rau menyuum noj thiab lawv kuj muaj car seat muag pheejyig (reduced) mentsis rau niamtxiv uas tseem muaj menyuum me.

Universal MH/DD/SAS-Morganton Office

2230 Avery Avenue
Morganton, NC 28655
Phone: (828) 438-0006

Website: <https://www.umhs.nets/>

Lub chaw Universal MH/DD/SAS yog ib lub pab ibleeg ibtug hauv ib yimneeg uas muaj mob xwsli (metal illness), los yog tamtom pib muaj kev pab tsis tau nws tuskheej (disabilities) thiab muaj teebmeem siv tshuaj los yog haus tshuaj lawv pab tivthaiv kom ua tau ib tug neeg zoo thiab muaj haujlwm ua nyob rau hauv lub zejzog. Lub Universal MH/DD/SAS muaj kev tshuaj xyuas cov koomhaum thiab saib xyuas thiab pab lawv kom txawj sib koomtes sib pab hauv lub zejzog.

Valdese Housing Authority

1402 Lydia Avenue NW
Valdese, NC 28690
Phone: (828) 874-0098

Website: <https://www.facebook.com/pages/Valdese-Housing-Authority/139295422784595>

Lub Valdese Housing Authority yog ib lub chaw pabcuam thiab nrhiav tsev rau cov tej yimneeg uas muaj nyiaj tsis txau them vajtsev.

Waldensian Presbyterian Church – Community Assistance Ministry

109 Main St. E

Valdese, NC 28690

Phone: (828) 874-2531

Website: <https://www.waldensianpresbyterian.org/outreach/community-assistance>

Lub Waldensian Presbyterian Church yog lub chaw muaj pub zaubmov rau tej yimneeg thiab zejzog nyog rau hauv ob lub nroog no Valdese thiab Drexel, lawv muaj khoom pub(gift) thiab khoom noj(groceries) ib hli ib zaug. Lawv qhib lawv lub qhov rooj txhuas hnuv Thursday thawm 2 pm thiab 4 pm tavsus nyob rau nramqab lawv lub church, qhov lawv xav tau ntawd koj yog nco ntsoov nqa koj ID kom qhia tau tias koj nyob rau hauv ob lub nroog no. Lub sijhawm yog koj ntsib kev txomnyem lawv kuj muaj nyiaj pab rau koj tsevneeg, yog koj xav tau qhov kev pab no, koj yuav ntsum tau teem caij(appointment) thiab hu xovtooj mus nrog lawv tham (interview) raws li lub sijhawm nyob rau hnuv Thursday lubcaij thaum 2 pm mus rau 4 pm teev.

Western Piedmont Council of Governments

1880 2nd Avenue NW

Hickory, NC 28601

Phone: (828) 322-9191

Website: <http://www.wpcog.org/>

Western Piedmont Council of Governments (WPCOG) yog ib lub chawd muaj kev pabcuam dawb koomtes nrog cov tsoomfwv thiab pib thawm 1968 yog ib lub koomhaum non-profit los npaj kom muaj kev koomtes. Qhov kev koomtes thiab pabcuam no yog los pab rau cov nroog Alexander County, Burke County, Caldwell County, thiab Catawba County. Cov neeg nyob rau lub koomhaum WPCOG lawv muab cais ua 8 pab ua haujlwm koomtes uake, lawv muaj cov teev ntawv, thiab saib xyuas nyiajtxiag. Lawv muaj chaw pab saib xyuas cov neej laus uas raug tsimtxom (elder abuse) kom muaj kev ruajtseg thiab pab kho tej cua txias thiab cua sov (Fan/Heat) rau lawv tej vajtsev thiab pab saib xyuas cov neeg laus kom lawv muaj kev noj qab haushuv thiab kom muaj kev kajsiab. Lawv muaj nyiaj pabcuam ntiav kom muaj cov neeg txawj nrog cov neeg laus no tham thiab muaj nyiaj npaj vajtsev (Section 8 Housing Program), mouj Ntseb, thiab tej yam haujlwm kom yoojyim rau cov laus no ua.

Women's Resource Center
125 3rd St, NE
Hickory, NC
Phone: (828) 322-6333
Website: <https://www.wrchickory.org/>

Lub koomhaum Women's Resource Center txojkev txhawbqa yog los pab rau cov pojniam los ntawd kev txhimkho thiab koomtes nrog lub zejzog, Lub WRC muaj kev pab rau cov pojniam ua nyob rau hauv cov nroog no Alexander, Burke, Caldwell thiab Catawba. Kev koomtes thiab pab los ntawd WRC yog nrog rau Women2Work Workforce Development Programs and Support, thiab Transitions4Women and Goal Planing Service, Kev pabcuam tshwjxeeb yog rau cov pojniam uas muaj kev chovnyom thiab teebmeem txog ntawd txijnkawm lubneej xwsi kev sibcai (Separation), kev sibntaus (Domestic Violence), los yog kev sibnrauj (Divorce), ntsib txojkev tximtxom thiab muaj kev tusiab rau lubneej Cov koomhaum no lawv sib koomtes los txhawb thiab pab qhia rau cov pojniam uas ntsib txojkev zoo li hais saumtoj no. Ntxiv mus yog nyob hauv koj tsevneeg yoj muaj leejtwg lossis koj tus kheej muaj teebmeem txog Quavcawv, Quavtshuaj, lawv muaj chaw kawm thiab pab cobqhia kom yoo tau, thiab mus koom nrog lwm tus tham kom thiaj li paub txwv yus tus nkeej.